

Jienastanriekti 16-jahkásaččaide Romssas

Romssa fylkkaráđđi mearridii odne ahte 16-jahkásaččat galget oažžut jienastanrievtti Romssa fylkkadiggeválggas. Ráđđehus lea evttohan geahččalanortnega mas 16-jahkásaččat ožžot jienastanrievtti 2011 suohkanválggas, ja dál oaivvilda fylkkaráđđi ahte dan ferte geahččalit maiddái fylkkadiggeválggas.

- Fylkkasuohkanis lea joatkkaskuvllaid ja kollektiivajohtalusa ovddasvástádus. Dát leat áššit mii diehtit main nuorat háliidit máhtu, dadjá oahpu ja dearvvašvuođa fylkkaráđđi Pål Julius Skogholt (SG). Son oaivvilda ahte lea liikka lunddolaš čađahit geahččaleami fylkkadiggeválggas go suohkanválggas. – Lea lunddolaš jáhkkit ahte 16-jahkásaččas lea eanet beroštupmi joatkkaskuvllas go vuodđoskuvllas, oaivvilda Skogholt.

Stuoradiggedieđáhusa 33. nr. (2007-2008) rahpá ráđđehus vejolašvuođa addit 16-jahkásaččaide jienastanrievtti.

Stuoradiggedieđáhusas rávve ráđđehus geahččaleami dušše suohkaniin. – Mii áigut dál váldit oktavuođa Stuoradikki bellodagaiguin ja gohččut daid árvoštallat dan maiddái fylkkadiggeválggas, muitala Skogholt.

Fylkkaráđđi evttohus lea fárus stuorát áššis nuoraidoassálastima birra guovllupolitihkalaš dásis, mii galgá fylkkadikki ovdii golggotmánus. Dán dieđáhusas evttoha fylkkaráđđi ásahit Romssa fylkkasuohkana nuoraidráđđi man galgá válljet nuoraidkonferánsa/nuoraid fylkkadiggi. Dát lea oassi fylkkasuohkana barggus addit nuoraide gievrrat jiena fylkkasuohkana barggus.

Fylkkaráđđi áigu maid váldit oktavuođa Finnmárkkuin iskat vejolašvuodaid dán guovtti fylkka ovttasbargat ohppiidaittardeaddji ektui.

Dieðuid addá: Pál Julius Skogholt, mobiltlf 97 07 74 57